

4. «Հոռոմները վերադարձնում են պարսիկներին երկու բերդերը(!) Փառանգիոն եւ Բոլոն»:

5. Ճորոխի ձորը «չուրջ երեք օրուան ճամբայ հարկատու է հոռոմներին, սակայն, նրանից անդին սկսւում է Պարսկահայքի երկիրը(!) եւ այս տեղումն է ոսկու հանքը, որ Կաւատի հրամանով մշակում է Սիմէոն անուն հայր... սա հոռոմներին յանձնեց իրեն եւ Փառանգիոն, բայց մերժեց յանձնել հանքի ոսկին»:

6. Վոհ կամ Ճորոխ «բղխում է Ծանի երկրից՝ շատ մօտիկ(!) այն հայերի միջից, որոնք բնակում են Փառանգիոնի շուրջը»:

Թողնենք առայժմ անճշգրտութիւնները, որ սպրտած են այս կէտերի մէջ շնորհիւ պ. Սաչատրեանի անփութութեան: Բաւականանք անգամ նրանով, ինչ որ ինքն է առաջարկում: Տեսէք, ի՞նչ հետեւութիւններ է հանում պատմիչի վկայութիւններից:

«Արդ՝ այս տեղեկութիւններից նախ հետեւում է, դատում է պ. Սաչատրեան, թէ ոսկու հանքերը գտնւում էին սահմանի վրայ Փառանգիոն եւ Բոլոն բերդերին շատ մօտ մի տեղում. երկրորդ՝ այս բերդերը մօտ էին Թէոդոսիոսպոլսի կամ Կարինի սահմանին. երրորդ՝ Ճորոխը բխում է Փառանգիոն բերդին(!) մօտակայ մի տեղից»:

Աններելի է մի բանասէրի, մանաւանդ, երբ քննադատի դերում է, այսպիսի արտասովոր անփութութիւն, որով պ. Սաչատրեան մեղանշում է իր իսկ բերած «մանրամասնութիւնների» դէմ:

Ոսկու հանքը գտնւում է միմիայն Փարանգիոնում, ինչպէս վկայում են պ. Սաչատրեանի բերած առաջին եւ հինգերորդ կէտերից. Բոլոնի մասին խօսք չկայ:

Թէոդոսիոսպոլսի սահմանին մօտ է միմիայն Բոլոն, որպէս վկայում է երկրորդ կէտը, եւ ոչ թէ երկու բերդերը:

Ճորոխը բղխում է Փառանգիոնի մօտակայ տեղից, ինչպէս կարելի է տեսնել հինգերորդ եւ վեցերորդ կէտերից, եւ ոչ թէ Փառանգիոն բերդի մօտակայ տեղից: Եւ ընդհանրապէս Փարանգիոն բերդ է անուանուած անդիւական թարգմանութեան մէջ սխալմամբ միայն

առաջին կէտում, միւս տեղերում երբեք Փարանգիոն չէ անուանուած բերդ, ինչպէս անում է պ. Սաչատրեան:

Այս տխուր համեմատութիւնից մի բան է հետեւում, որ յարգելի բանասէրը բանասիրական աչք չուներ եւ, եթէ ունի, կանխակալ մի կարծիք կուրացրել է նրան: Շփոթելով երկու միմեանցից հեռու ընկած վայրերը, միացնելով մէկ միւսի հետ, կապելով մէկի տեղագրութիւնը միւսին, պ. Սաչատրեան ստեղծում է մի աշխարհագրական երկերեակ եւ սար ու ձոր ընկնում որոնելու նրա տեղը: Եւ զարմանալին այն է, որ կարծում է թէ յաջողել է գտնել, եւ ո՞ւր — Թորթումի հովտում: Նախապէս ցուցադրում է իր տեղագրական գիտութիւնը, որովհետեւ երկիրը տեսել է եւ հռչակաւոր Սրտաձորից շատ անգամ բարձրացել է Կուչկուչար սարի գագաթը եւ յափտակիչ ըմպլուծով դիտել հմայիչ եւ վնասաւոր համայնատեսլարանը:

Նայինք, ի՞նչ նոր բան է ասում, որ յայտնի չէր:

Առաջ հարկաւոր է տեսնում ճշգրէ Հայաստանի հոռոմ-պարսիկ սահմանագիծը. —

«Առանց մանրամասնութիւնների մէջ մտնելու, ասենք, թէ Կարին եւ Շաղագոմ հոռոմներին էին, իսկ Բասեն եւ Ոքաղ՝ պարսիկներին: Սրանց միջեւ բնական սահմանագիծն են կազմում, որուն հետեւում էր եւ քաղաքականը, նոր անուններով — արեւելքից Բասեն գետի եւ Եփրատի ջրաբաշխ՝ Դեմէ-Բոյուն-Ֆիրեջլի-Ղարղարաղար կամ Չորան-Դեղէ լեռնային կատարները: Կարինի հիւսիսից Թորթում վրտակի եւ Եփրատի մի կողմից, իսկ միւս կողմից՝ առաջին եւ վերին Ճորոխի ջրաբաշխ լեռները: Ղարղարաղարի հիւսիս-արեւմտեան ծայրը... Կուչկուչար գագաթն է, որի հիւսիսից երկարում է մի թեւ կապելու համար այս լեռնակոյտը ուրիշ մի մեծ լեռնաշարքի՝ Զիարեթ-Ղազանբաշի եւայլն, որոնք աղեղնաձեւ դատում են Թորթում գետի աւազանը Եփրատի եւ Ճորոխի աւազանից... Այս պատմիչաձեւ լեռնաշղթայի կատարներից ուրեմն անցնում էր հոռոմ-պարսիկ սահմանագիծը եւ Ճորոխի ձորը հաւանօրէն մինչեւ Օլթի գետի բերանը հոռոմներին էր պատկանում: Պատ-